



Republika e Kosovës
Republika Kosova-Republic of Kosovo
Qeveria –Vlada-Government

Ministria për Forcën e Sigurisë së Kosovës
Ministarstvo za Kosovske Bezbednosne Snage / Ministry for the Kosova Security Force

Në mbështetje të nenit 145, pika 2, të Kushtetutës së Republikës së Kosovës, Ligjin Nr.03/L-045 për Ministrinë e Forcës së Sigurisë së Kosovës, Ligjin Nr. 03/L-46 për Forcën e Sigurisë së Kosovës, neni 9, pika 9.1, nenin 13, dhe Rregulloren Nr. 02/2013 për Rekrutimin në FSK, neni 12, si dhe duke pasur për bazë ofertën e Ministrisë së Mbrojtjes të Republikës së Turqisë, Ministria e Forcës së Sigurisë së Kosovës shpall:

K O N K U R S
Për rekrutimin e kadetëve për vitin 2016/2017

Ministria për Forcën e Sigurisë së Kosovës (MFSK) ushtron mbikëqyrje civile dhe kontroll demokratik mbi FSK-në dhe udhëhiqet nga Ministri i FSK-së, i cili i përgjigjet Kuvendit të Kosovës. Ministria është përgjegjëse për zbatimin e politikave qeveritare për sa iu përket çështjeve që ndërlidhen me FSK-në dhe po ashtu do të veprojë edhe si shtabi i nivelit më të lartë të FSK-së.

Forca e Sigurisë së Kosovës është forcë krejtësisht vullnetare e ndërtuar nga të gjitha shtresat e shoqërisë. Misioni i Forcës së Sigurisë së Kosovës, si instrument i sigurisë është që ta mbështesë Qeverinë e Republikës së Kosovës. Detyrat fillestare të Forcës së Sigurisë janë; Të marrë pjesë në operacionet për reagim ndaj krizave, përfshirë operacionet në mbështetje të paqes. Kjo do të përfshijë operacionet jashtë territorit të Republikës së Kosovës, ku do të ftohet për këtë qëllim; të ndihmojë autoritetet civile në përgjigje ndaj fatkeqësive natyrore, fatkeqësive dhe emergjencave tjera, madje edhe si pjesë e një përpjekjeje reaguese regjionale apo ndërkombëtare; të kryejë shkatërrimin e mjeteve shpërthyes; të ndihmojë autoritetet civile përmes operacioneve të mbrojtjes civile.

Forca e Sigurisë së Kosovës bën pranimin e kadetëve të cilët do të studiojnë në këto qendra universitare;

- 1. Forca e Sigurisë së Kosovës;**
-Qendra për Studime Universitare;
- 2. Republika e Turqisë;**
-Akademia Ushtarake Tokësore
-Akademia Ushtarake Mjekësore

Kandidati që aplikon për pranim në Qendrën për Studime Universitare në FSK duhet;

- Të jetë shtetas i Republikës së Kosovës,
- Të ketë kryer shkollën e mesme,
- Të mos jetë i/dënuar apo i/e ndjekur penalisht nga organet e drejtësisë,
- Të jetë i moshës 18 - 21 vjeçar në datën e aplikimit.
- Të jetë njohës i mirë i gjuhës angleze.

Testet që aplikohen për pranim në Qendrën për Studime Universitare në FSK;

- Ese në gjuhën angleze,

- Testi i aftësive në formën e testit të përgjithshëm të inteligjencies,
- Testi Pre-TOEFL,
- Testi fizik,
- Intervista,
- Verifikimi,
- Kontrollimi mjekësor,
- Testi TOFEL,
- Java Zero,
- Testi për udhëheqje (leadership).

Kandidati që aplikon për pranim në Akademinë e Ushtarake Tokësore dhe Akademia Ushtarake Mjekësore e Republikës së Turqisë duhet;

- Të jetë shtetas i Republikës së Kosovës,
- Të ketë kryer shkollën e mesme (kërkohen njohuri të mira matematikë, fizikë dhe kimi),
- Të mos jetë i/dënuar apo i/e ndjekur penalisht nga organet e drejtësisë,
- Të jetë 21 vjeç më së shumti,
- Të mos jetë i martuar, i fejuar apo i divorcuar si dhe të mos jetë në lidhje bashkëjetese.
- Të jetë në gjendje të mire shëndetësore dhe pa deformime trupore.

Testet që aplikohen për pranim në Akademinë e Ushtarake Tokësore dhe Akademia Ushtarake Mjekësore e Republikës së Turqisë;

- Testi i Gjuhës Angleze-Njohja e gjuhës angleze e dëshirueshme,
- Testi i aftësive në formën e testit të përgjithshëm të inteligjencies,
- Testi fizik,
- Testi Kualifikues Akademik (në gjuhën turke),
- Testi në gjuhën turke,
- Intervista,
- Kontrolli Mjekësor.

Dokumentet për aplikim në Qendrën e Studimeve Universitare të FSK-së, në Akademinë Ushtarake Tokësore dhe Akademinë Ushtarake Mjekësore të Turqisë;

- Dëshmi, certifikata, mirënjohje (nëse posedon),
- Diploma e shkollës së mesme apo dëshmia e diplomimit së bashku me dëftesat për të gjitha vitet e shkollimit të mesëm(kopje e vërtetuar),
- Vërtetimi nga gjykata që nuk është nën hetime apo i ndjekur penalisht,
- Ekstrakti i lindjes,
- Kopje të letërnjoftimit apo pasaportës,
- Dy fotografi të formatit (5 cm x 5 cm).

Shënim;

- a) Kandidatët të cilët i përmbushin kriteret tjera të konkurrimit të parapara me konkursin për rekrutim, do të mund të marrin pjesë në procesin e testimit edhe në rast se nuk kanë arritur t'i nënshtrohen Testit Kombëtar të Maturës Shtetërore.
- b) Kandidatët duhet t'i sjellin diplomat e shkollës së mesme më së largu deri më 15 korrik 2016.
- c) Kandidatët të cilët nuk mund t'i sjellin diplomat e shkollës së mesme sipas afatit të lartpërmendur, do të largohen nga procesi i mëtejshëm i konkurrimit.
- d) **Për t'u marrë në konsideratë gjatë aplikimit, diplomat e fituara jashtë Republikës së Kosovës, duhet t'i nënshtrohen procesit të njohjes nga Ministria e Arsimit, Shkencës dhe Teknologjisë.**

Kohëzgjatja e studimeve

Forca e Sigurisë së Kosovës;

-Qendra për Studime Universitare -4 vite

Republika e Turqisë (Akademia Ushtarake);

-Akademia Ushtarake Tokësore -4 vite

-Akademia Ushtarake Mjekësore -6 vite

Vlerësimi dhe përzgjedhja:

- Kandidatët do të vlerësohen edhe sipas rezultateve gjatë shkollimit të mesëm dhe sipas vlerës së testeve në përqindje.
- Kandidatët duhet të kenë rezultate të larta gjatë shkollimit dhe në Testin Kombëtar të Maturës, të cilat do të vlerësohen si në vijim;
 - a) Nota mesatare gjatë shkollimit; nota 5=10 pikë, nota 4=9pikë, nota 3=8 pikë, nota 2=7 pikë,
 - b) Suksesi në katër vitet e shkollimit; nota 5=10 pikë, nota 4=9pikë, nota 3=8 pikë, nota 2=7 pikë,
 - c) Suksesi në Testin Kombëtar të Maturës; rezultati 90/100%=10 pikë, rezultati 80/90%=9 pikë, rezultati 70/80%=8 pikë, rezultati 60/70%=7 pikë, rezultati 50/60%=6 pikë.

Vlera për testet e shprehur në përqindje do të jetë;

- a. Ese në gjuhën angleze=10%
- b. Testi IQ=20%
- c. Testi Pre-TOEFL=10%
- d. Testi fizik=10%
- e. Intervista=20%
- f. Testi TOEFL=30%

Vlerat e testeve për kandidatët që aplikojnë për pranim në Akademinë Ushtarake Tokësore dhe Akademinë Ushtarake Mjekësore të Turqisë, mund të ndryshohen dhe përcaktohen nga Bordi Përzgjedhës.

Afati i konkurrimit;

Konkursi i rekrutimit për kadetë do të jetë i hapur prej **30 Maj 2016** deri më **17 Qershor 2016**.

Si të aplikoni;

Formularët për aplikim janë në dispozicion në Komandën e Forcave Tokësore, apo në web faqen e MFSK-së, www.mksf-rks.org, apo www.rks-gov.net/mfsk ku gjendet shpallja e konkursit. Formularët duhet të dorëzohen personalisht, **në të gjitha kazermat e FSK-së**, në çdo ditë pune nga ora 09:00-15:00 deri në afatin e fundit për konkurrim. **Kandidatët duhet t'ia bashkëngjisnin aplikacionit kopjet e dokumenteve që dëshmojnë përmbushjen e kushteve të nevojshme.** Për informata plotësuese, mund të kontaktoni në nr. tel. 038- 603-355/199.

Ministria e Forcës së Sigurisë së Kosovës iu shërben të gjithë qytetarëve të Kosovës dhe mirëpret aplikacione të femrave dhe meshkujve për kadetë të FSK-së, pa dallim nga përkatësia e tyre etnike.